

**OFISI YA RAIS – TAMISEMI
HALMASHAURI YA WILAYA YA HAI**

Shule ya Sekondari Lyamungo,
S.L.P. 3020,
MOSHI.

Kumb. Na. UT/LY/43B/111

Tarehe
Simu Na. **0754 – 586720**

MZAZI/MLEZI/ MFADHILI WA

MWANAFUNZI
.....
.....
.....

**YAH: MAAGIZO YA KUJIUNGA NA MASOMO YA KIDATO CHA TANO (V) KATIKA SHULE YA SEKONDARI
LYAMUNGO MWAKA 2019/2020**

1. UTANGULIZI:

Kwa niaba ya Jumuiya ya Shule ya Sekondari Lyamungo ninayo furaha kukujulisha kwamba Mwanaoamechaguliwa kujiunga katika Shule ya Sekondari Lyamungo kidato cha tano (5) kwa mwaka huu 2019/2020. Mchepuo wa

Shule ya Sekondari Lyamungo ni ya bweni wavulana, iko umbali wa Km. 24 Kaskazini Magharibi ya Mji wa Moshi katika Wilaya ya Hai Mkoa wa Kilimanjaro. Shule iko katika mazingira mazuri ya mwanafunzi kusoma na kuweza kufaulu vizuri kama atatia bidii katika masomo yake. Mwanao aitumie nafasi hii vizuri aliyopewa na serikali; akizingatia kwamba wenzake wengi wamebaki nyumbani kwa kukosa nafasi hii.

Aidha nampongeza tena mwanao kwa kuchaguliwa kwake na kujiunga na shule yetu. Mwanao anatakiwa kufika shuleni kuanzia tarehe bila kuchelewa tayari kwa kuanza masomo tarehe

Mwisho wa kuripoti shuleni ni tarehe ili kutoa nafasi ya kurudisha majina Wizarani ya wasiofika shuleni ili wanafunzi wa akiba waweze kupangwa kujazia nafasi hizo.

2. USAFIRI WA KUJA SHULENI:

Ufikapo Moshi Mjini standi kuu uliza na upande magari yaendayo Kibosho Umbwe kupitia barabara ya Arusha (Kibosho Road). Mwisho wa magari hayo yanapogeuzia ndipo hapo utakapoteremkia panaitwa Lyamungo Kijiweni.

Ukishuka hapo Kijiweni, uliza shule ya sekondari ya Lyamungo iko wapi utaelekezwa kutoka hapo Kijiweni utatembea umbali wa mita 300 hadi kufika shuleni au usafiri wa pikipiki ni shilingi elfu moja tu (1,000/=). Ukifika shuleni utaripoti na kupokelewa na Makamu Mkuu wa Shule au Mwalimu wa usajili wa wanafunzi wote watakuwepo ofisini kwa huduma za mapokezi.

3. MAHITAJI YA KULETA SHULENI MWANAFUNZI:

(a) Sare ya Shule

- Kila mwanafunzi atatakiwa kuja na sare ya shule iliyoshonwa vizuri kwa maadili ya mwanafunzi awapo shuleni.
- Mashati meupe mawili (2) mikono mirefu – (Tomato)
- Tie ndefu rangi ya darkblue.
- Viatu vya ngozi nyeusi jozi (2) vya kawaida
- Soksi ndefu za rangi yeyote (Jozi 2)
- Nguo za michezo yaani bukta, singlets raba au “Track suit”.
- Sweta ya rangi ya dark blue.
- Suruali mbili ya rangi ya dark blue iwe na marinda mawili na chini isiwe chini ya nchi 15 (Mzunguko wa chini uwe na Turn up).
- **NB: Marinda mawili ni lazima.**

(b) Nguo za kushindia.

Kila mwanafunzi aje na suruali mbili nyeusi, “T-shirt” mbili za rangi ya dark blue zenye kola (Form six).

NB: Hataruhusiwa kuvaa nguo nyingine yeyote ile, na asije na nguo nyingine.

(c) Ada na michango ya wanafunzi wanayotakiwa kuleta shuleni:

Mwanafunzi anatakiwa alete ada na michango mingine kama ifuatavyo:-

- Ada ya shule kwa mwaka ni Tsh. 70,000/= au Tshs. 35,000/= kwa Muhula mmoja
- Shilingi 8,000/= za kitambulisho na nembo ya shule.(alete shuleni)
- Shilingi 15,000/= za uchakavu /ukarabati wa samani.
- Shilingi 20,000/= Taaluma.
- Shilingi 30,000/= Ulinzi na Upishi na vibarua wengine.
- Shilingi 20,000/= Mitihani.
- Shilingi 5,000/= Tahadhari. **Hairudishwi.**

Michango yote ya kuleta shule itawekwa kwenye Akaunti za shule kama inavyoonyesha hapa chini:-

JINA LA A/C	AINA YA MCHANGO	JUMLA
LYAMUNGO CAPITATION AKAUNTI NAMBA 40101200109	ADA	35,000/= Kwa muhula au 70,000/= kwa mwaka.
LYAMUNGO DEVELOPMENT AKAUNTI NAMBA 40101200110	Mchango wa dawati	15,000/=
LYAMUNGO GENERAL AKAUNTI NAMBA 40301200125	(a) Michango mingine yote inayobaki	75,000/= Mara moja kwa mwaka.

NB: AKAUNTI ZOTE ZIKO BENKI YA NMB

Katika maagizo hayo nimeambatanisha ratiba ya mihula ya shule soma vizuri ratiba hiyo na hakikisha unamtumia mwanao fedha maana wakati huo huwa wanafunzi hawaruhusiwi kubaki shuleni. Baada ya kufanya malipo hayo kupitia Benki, mwanafunzi atatakiwa kuleta Shuleni kopi ya ‘**Bank Pay in Slip**’ ili aweze kukatiwa

stakabadhi ya Serikali kwa malipo hayo aliyoyafanya kwa siku hiyo. Usilete fedha Taslimu shuleni kwani utalazimika kurudi kuziweka Benk (epuka usumbufu) unaweza kuweka katika Tawi lolote la **NMB** Nchini sio lazima **Moshi.**

NB: Hakikisha fedha unaziweka benki Mzazi /Mlezi mwenyewe na mtoto apewe “PAY IN SLIP.”

NB: ZINGATIA:

Tafadhali weka ada kwenye akaunti ya ada, vivyo hivyo Michango ya shule kwenye akaunti ya michango ya shule, usichanganye tafadhali ukaweka ada kwenye akaunti ya michango au ukaweka michango kwenye akaunti ya ada kwani itakugharimu kulipa mara mbili; shule haitahusika katika hilo endapo utaenda kinyume.

(d) Vifaa vya usafi shuleni:-

Kila mwanafunzi atatakiwa kuleta vifaa vifuatavyo kwa ajili ya kufanyia usafi awapo shuleni, na viwasilishwe ofisi ya Msajili wa wanafunzi wakati wa kuripoti.

- Mifagio miwili (2) hardbroom na mifagio wa kudekia 1 (squizer)
- Fyekeo kwa **CBA**
- Ndoo **1** ya plastiki lita **20**
- Karatasi **A4** Ream **1**
- Mfagio wa kufagilia chini (Chelewa)
- Jembe na mpini kwa **EGM** na **HGE**
- “Mop Complete” (Kindoo na Dekio) kwa **HKL, HGL** na **HGK**.
- Mabuti ya mvua - kuvaa kipindi cha mvua na shambani.
- Sabuni ya maji lita 5 kwa **PCB**.
- Reki ikiwa na mpini (**CBG**)

NB: Vifaa vyote hivi vinapatikana Moshi/ Lyamungo Kijiweni

(e) Mahitaji ya Bweni

Kila mwanafunzi atahitajika kuwa na vifaa vifuatavyo bwenini.

- Godoro moja la sponge size 2 ½ x 6
- Shuka rangi ya Pink pea 2
- Mto na foronya yake rangi ya Pink 1
- Taulo moja
- Blanket 1 kuna baridi kali pamoja na koti au sweta kwa ajili ya kujikinga na baridi wakati wa prepo.
- Kanda mbili za kuogea
- Sanduku la chuma lenye kufuli imara.

(f) Mahitaji ya Darasani:-

Kila mwanafunzi anatakiwa awe na mahitaji ya darasani kama ifuatavyo:-

- Madaftari makubwa ya kutosha
- Kalamu, rula na penseli – vifaa hivi vinapatikana duka la shule.
- “Mathematical set” 1 kwa wanafunzi wa **CBG, HGE, CBA, EGM** na **PCB**.
-

(g) Fomu mbalimbali za mzazi/ mwanafunzi za kuja nazo:-

Baada ya Mwanafunzi/ Mzazi kukiri kwa kusaini fomu hizo, zitaletwa shuleni ili iwe rahisi kwa mwanafunzi kurudishwa nyumbani kama ataenda kinyume na taratibu za shule.

- a) Fomu ya Mwanafunzi kukiri kukubali kufuata sheria za shule bila shuruti.
- b) Fomu ya Mganga wa Mkoa/ Wilaya (Appendex “B”)
- c) Fomu ya Mzazi/ Mlezi.
- d) Fomu ya maelezo binafsi yahasuyo Mwanafunzi.

e) Sheria na kanuni muhimu za shule. Isainiwe na Mzazi pia.

(h) Huduma zitolewazo na shule

Shule ya Sekondari Lyamungo inayo miradi mingi ambayo hutoa huduma shuleni. Baadhi ya miradi hiyo ni:-

- Duka la shule
- Kantini.

Mwanafunzi anashauriwa kutobeba mizigo na vitu vingi vya kuja navyo shuleni kama Madaftari, sabuni, kalamu, vyombo vya kulia chakula, dawa ya meno kwani vyote vinapatikana katika duka la shule.

NB:

- i) Shule haitoi chakula maalumu kwa wanafunzi wagonjwa (**Special Diet**). Shule inatoa chakula kulingana na ratiba ya chakula kwa wanafunzi wote. Mzazi anashauriwa kumpatia mtoto wake fedha kama atahitaji chakula maalumu ili mtoto ajigharamie kupata chakula kwenye kantini ya shule. Vile vile shule haitoi fedha kwa ajili ya matibabu ya mwanafunzi. Mzazi anashauriwa kumpatia mwanae fedha kiasi za tahadhari kwa ajili ya matibabu binafsi. Fedha hizo atakaa nazo mwanafunzi mwenyewe ama akipenda atatunziwa na shule.
- ii) Katika maagizo hayo nimeambatanisha ratiba ya mihula ya shule Mzazi soma vizuri ratiba hiyo; na hakikisha umemtumia mwanao fedha ya nauli maana wakati huo huwa wanafunzi hawaruhusiwi kubaki shuleni.

MUHIMU:

Inasisitiza kwamba hakuna mwanafunzi atakayepokelewa bila kukamilisha mahitaji hayo yaliyotajwa. Mzazi anashauriwa kumwandaa mwanae kikamilifu ili mwanafunzi huyo asirudishwe nyumbani. Aidha mwanafunzi **haruhusiwi** kuleta shuleni **REDIO, SIMU, HEATER AU PASI** kwani vitu hivyo ni **marufuku** shuleni. Mzazi anashauriwa kufanya mawasiliano na mtoto wake kupitia simu ya shule tu **027 – 2757596** au **027 – 2758694** au **0754 – 586720** Mkuu wa shule. Pia mwanao aje na **“RESULTS SLIP”** yake ni muhimu sana.

Kwa sababu shule ina uhaba wa vitabu mzazi anashauriwa kumnunulia mwanaye vitabu vinavyoendana na masomo yake, wanafunzi wanavifahamu vitabu hivyo.

Mwisho:

Namtakia mwanao maandalizi mema na safari njema ya kuja hapa Lyamungo shule ya Sekondari.

KARIBU! SANA NA HONGERA KWA KUCHAGULIWA!

NB: ZINGATIA

- **Simu/ Redio/ Heater na Pasi haviruhusiwi kabisa shuleni.**
- **Kila mmoja aje na “Result Slip” yake.**
- **Mji wa Moshi ni msafi sana hivyo hakikisha hutupi uchafu wowote chini au kutema mate, faini ya makosa hayo ni Tsh. 50,000/=**

ASANTE,

.....
AUGUSTINO L. SANGA
MKUU WA SHULE